



La Val à la partida tles mans mo subësc le svantaje tl secundo tēmp. La forza de grup fej indere ribalté le resultat y la devēnta é miritada.

Do la batosta dl fin dl'edma da denant tl derby cuntra le Rina, à la formaziun da La Val lascé udëi te ciasa na bela prestaziun cuntra l'avarsar da Valdaora. Ince sce i padruns de ciasa à la partida dles mans, mëss chisc subì en svantaje plö co ante a mez le secundo tēmp, la reaziun é indere ejemplara y ara ti gareta de oje le resultat davagnan la partida.

Bele dal mëteman à La Val le sceter dl jüch tles mans y al 5[^] pro Stefan na trata bassa dal limit che vëgn tignida sö dal'un dl Valdaora. Püc menüc plö tert é Werner sön puniziun asvelt da sorví Alex E. sú dan porta, la trata sècia da na pert fej rebat le palé indere cuntra le pé de porta. Al 15[^] manacia i ladins da se fa la gambarela, te n gran caji amez area é le defensur ladin che abina mal le curan y le fej ruvé cuntra porta, le portier Sepl deviëia cun súa reativité te ciantun. La Val à le jüch tles mans y al 25[^] é la puniziun de Franz da na pert prigorosa, le palé passa fora le cinch dl'area mo degügn ne é asvelc a apogé le curan te porta.

Le prüm tēmp se stlūj jō sōn le pēr.

Le ritm de jüch dl pröm tēmp lascia en pū dô y i ghesch aspeta le dērt mumënt por fa pié ia l'aziun. Insciö ti garet a ince le gol fora de n sarēgn. Sōn na dijatenziun di ladins a mez ciamp arlungëia l'avarsar sōn l'atacant Hintner che indirizëia le palé sōn le pé lunch de porta por le 1 a 0. Nia da crëi por la formaziun de ciasa, che à albū la partida tles mans cina chësc mumënt. Püch do manacia l'avarsar le dopl vantaje, le palé vëgn devié dal'atacant cuntra porta, le defensur zentral Christian é bun de ruvé a dērt mumënt a salvé a tra demez le curan sōn la riga de porta. Ince sce le svantajé á fat pié ia i scrai dl publich, é i ladins bugn de evité la nervosité y chësc i dëida dessigü a ribalté le resultat. Al 66[^] pëia ia la crossada de Alex E. amez area, Michele C. röia dan porta y apogëia le palé te rëi. En bun diesc menüc dedô se fej le medemo lerch por la trata y fej pié ia cun prezijiun le palé che röia tl'incrujiada de porta por le vantaje. Gran sodesfaziun por düta la squadra che ciafa forza por i ultims menüc de jüch. Te n gran marcé y nervosité fej l'arbiter ruvé la partida. Nia le singul mo la forza de grup á dandadöt davagné la partida, la devënta é in chësc iade dessigü miritada.

La Val - Valdaora : 2 - 1

Formaziun La Val: 1. Sepl Kantioler, 2. Marco Sottara, 3. Egon Frenes, 4. Werner Sottara, 5. Christian Dapoz, 6. Michele Campeï, 7. Max Nagler (dal 85[^] Felix Nagler), 8. Franz Tolpeit, 9. Samuel Winkler (dal 75[^] Christian Terza), 10. Stefan Sottara - capitan, 11. Alex Elzenbaumer

Goi por La Val: Michele al 66^ y al 81^

Proscima partida: *La Val süga en sabeda ai 14 de auri dales 16:00 a Sest cuntra la squadra de ciasa*

Atri resultac:

Juniores Pool (Mareo/La Val/Rina): Mareo – Hochpustertal 3-1

U-12 (La Val): Val Badia – La Val 5-2

U-15 (La Val): Kronteam – La Val 4-1